

中國地方志集成

浙江府縣志輯②⑤

同治湖州府志(二)

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸
王海浩

中國地方志集成

浙江府縣志輯(25)

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二五五元

1993年6月第1版 1993年6月第1次印刷

ISBN7-80569-836-8/K·131

沪新登字119号

湖州府志卷四十九

金石畧四

烏程縣下

高宗御書無量壽佛碑 石存據拓本載文

天申金剛 無量壽閣 賜口口口以上正書二行中有小字賜

天申金剛無量壽佛 以上正書一行中

無量壽佛 三感夢復書 佛牌賜口口以上行書四行末

口口口一介草野初無寸長徒以先口口無口師口梵隆口世遭逢高

宗皇帝自清熙十一年而後七被 堯章之賜緹巾珍函尊奉惟謹

懼口夸耀不宣露今口年齡衰頹盡下缺 後人不知顛末敬摹下缺

無量壽 佛 宸口口口茶承劉子併列左方有以仰 中興聖主

湖州府志 卷四十九 金石畧四

下缺 算方高而下缺 垂意藝文下缺 崇護佛法下缺 昭回之光下照

萬物如此若乃下缺 法之備下缺 體之工下缺 口口精口口口愿

劫贊揚有弗能盡下缺 月口口口口口口口理昭示口世下缺 西

巖

兩浙金石志石碑篆書高宗皇帝宸翰六字上截刻御書三種下

截正書二十六行乃寺僧口口摹勒茶紀之語也在烏程縣善山

常照寺茗紀又載一碑云得太上皇帝御書佛語一件今賜叶山

主八月初十日恭承得太上皇帝銀一百兩賜叶山主守等回奉

進奏呈十二月其下又有數行似皆致謝回奏之詞一時所刻也

案渭南文集常照院記載高宗賜御書寂而常照照而常寂八字

以示名院本旨且賜天申金剛無量壽閣扁榜及紫檀刻佛號如

來閣榜悉御書也又賜所臨王羲之帖二十二紙唐陸柬之蘭亭

詩一卷及米芾史畧帖一卷題圖扇二柄孝宗嗣位又命創常照

院於故址以隆師弟子首至叶嗣其能嘉定三年又創昭回閣

藏所賜宸翰宋高宗以五月二十一日為天申節此天申字或其

誕日所書

潯溪祇園寺莊田記 石佚據吳興藝文補載文

左朝奉郎簽書江陰軍判官廳公事賜緋魚袋丁昌朝撰 右通直

郎前福州懷安縣主管學事兼勸農公事練汝舟題額 此上二行藝

文補不載今

備志

釋氏之教本於清淨寂滅平居恬養得遂其性者以香積窟足故也

荷無常產則香積不足以充晨昏而欲使之安以清淨寂滅難矣是

湖州府志 卷四十九 金石畧四

宜奉釋者褒然為首以興莊田之利也去城之東有塘曰荻不及三

舍有溪曰潯在潯之北有寺曰祇園楊公保義之所推輪是時百廢

未舉及法照禪師悟老勉從其請來自車溪經之營之不及五載而

落成獨常住置乏若懸罄然未足以容眾叢林杯渡而至有及門而

不能留者有留而不能久者往往飛錫而之他住持悟老長慮卻顧

思買田以資歲計志未得也有信士朱公道圓者畱心內典樂施利

益一日悟老以其誠告公曰無難吾當辦之居無何運命二子仁佑仁

寵捨田二十畝為之倡其仁寵將仕又能從父之命廣募士庶量力

而施以所得之貲增益其數不踰歲月遂成一夫之田田皆膏腴無

而善良者不可勝計蓋公之惠有資於釋故也乃若佛殿之建適會歲歉公又出粟以助其役俗堂湫隘卜其爽塏公又樂施更以石爲輪藏凋弊閱時寢久公又命工以繪以續凡此皆利益之廣者則公之所惠豈止一時將施後世無窮也而蒙福豈止一身將貽子孫不泯也其與童子聚沙爲佛以成勝因貧女奉錢入緣以爲善果相屬矣悟老與其徒感公之德無以報相與立祠繪公夫婦像朝夕瞻仰又屬昌朝爲之記昌朝應之曰公之仁賢樂施人所講聞其來尙矣何事於此悟老曰口耳之傳豈能久乎綿歷歲時將遂湮沒孰若形容盛美以刊諸石庶幾有永昌朝應之曰悟老之言是也安敢愛斐陋之文

潯溪紀事詩注此下有紹興二十有一年五月望日謹記祇園教寺法照禪師立石一十三字吳興備志但云紹興二十一年

湖州府志

卷四十九

金石畧四

三

沈登瀛南潯備志碑言寺在潯北可爲潯溪卽今運河之證保義郎武階秩正九品見宋史職官志則楊公宋人也據此文寺實創始宋代舊志謂建於唐貞觀初未知孰是

孺子廟記

石佚

吳興志孺子山有孺子祠紹興中郡侯徹淫祠土人按圖經爲言祠得不廢二十二年晉陵丞庠法爲記近又得古刻於水濱

玲瓏山葛魯卿等題名

并歸雲洞張有書未見

紹興癸卯葛魯卿林彥政劉無言莫彥平葉少蘊

癸辛雜志玲瓏山在下山之陰有洞曰歸雲有張謙中篆書於石梁闌三尺許橫繞兩石間名定心石旁有杜牧之題名

見前又紹興

癸卯葛魯卿等題名

芝亭記

石佚

劉一止題陳都官墓芝亭石刻後止弱冠游太學從師友間得前輩制科進卷讀之其題曰太平有爲策者蓋賢良都官陳公之文也觀其極論天下民物利疚慷慨復鄙心慕焉今六十年來尙能記其髣髴公以嘉祐四年召試賢良方正能直言極諫科自祕閣至廷對皆爲第一十餘年始爲越州山陰宰上書論青苗事件時相一斥不復公自謫廢便無仕進意當是時詆新法得罪去朝者如中丞呂公諱誨殿中侍御錢公諱頌止伯祖維端諱述同時出國門至南京飲酒三日而別且相戒不復出公官卑又早世士論悲之公之亡蓋止始生之年獨幸與其孫商彥俱爲太學生得公之文稍多商彥以文學馳聲庠序士類推服既仕宦不苟進懷

湖州府志

卷四十九

金石畧四

四

抱怡然語止曰我自得官應遷轉者並用考功格計歲月而升未嘗僥倖一日恩賞中問營丞祕書爲顯用之階已而補外其志節之高不辱其祖史臣稱魏謩挺挺有祖風烈余於商彥亦云芝之瑞前諸公論之詳矣茲不復言紹興己卯六月丙午

茗溪集

吳興志芝亭碑記左朝請大夫陳湯求撰爲其祖賢良都官公紀墓前產芝之瑞也

孫觀跋後吳興陳公令舉葬車蓋山之上墓有亭歲久蠹敗子孫拘畏不敢雍葺歲時饋祀間遇風雨無尺椽片瓦之覆則席地山下望祭而旋公之孫左朝請大夫湯求力排羣議斷然不疑乃卽故基琢石爲柱旁累碑壁以取固一亭屹然壯麗深穩十倍於舊他日展墓躬歸除布几筵設牲醴薦獻拜跪至於竣事周視松楸

徘徊瞻顧猶不能去是歲五月產靈芝三本一芝出新亭盤旋之間二芝對植於塚前九莖二秀創見一時奇形異狀皆應圖諫父老縱觀太息以爲未曾見也大夫公讀古書學有道高風絕塵今八十五歲強健精明如壯者諸郎皆著士籍墳墓之祥家庭之瑞有蘭有芝壽福固未艾也某與公爲同年進士公之子文建尉晉陵出公所記芝亭示予三讀感歎遂書之卷末紹興歲次己卯六月日

烏墩鎮土地烏將軍廟記 莫淵撰 石佚據被城文獻載文

若城東九十里烏墩鎮有祠曰烏將軍廟按五季鄭蟠吳與鏡見錄載吳越錢鏐遣兵戍於烏程之東九十里以立一障謂之烏成將軍爲神主之神炳靈彰異於捍患除災屬鎮之人獲賴其庇國

湖州府志 卷四十九 金石畧四 五

朝宣和庚子睦寇竊發入騎歷境若有所拒即警而走建炎改元金人渡江所過或盡剽游騎距鎮纔數里民皆震恐聚禱於祠已而賊自遁會有自賊中來者第見雲蒸霧塞旌旗蔽空疑有官兵故返居者安堵實神陰相之也祠前有池名曰上智潭劇旱不枯淫潦不溢有龍數十出沒其中紹興壬午春月使朝貢道崇德聞而異之督吏至取吏俄感疾命之者亦形夢而龜復歸彼一池物爾爾非代神之餘靈耶時或雨暘愆期隨詩而感潛熙庚申夏旱魃爲虐郡將遣吏致敬嘉霽即昇凡人有疾災難隨一或祈之應捷袍鼓迨今比屋富庶爲衣冠罔藪神之庇厚矣若夫神之世系史佚其傳里居亦不可考故老所傳聞謂烏侯諱贊仕於典午氏之末總戎南討至車溪而歿裨將吳起就墓於池之西北偏後起集餘兵經構李下城邑五而

遷設豆觴於神神憑卒而言曰子之有功悉吾所助吾當永佑茲土觀者翕然起敬遂創祠於池右儀像備焉呼神之血食此方歷年滋久人之奔走奉事不懈益加虔焉每歲八月十二日爲誕辰必輻輳祠下百物豐潔薦享之者蓋所以彰神之靈而答神之貺也但廟無刻識里人懼湮沒無聞今年秋狀其事白請於鎮鎮詣於州州以次請於朝乞廟額且屬淵記淵世沐神休辭之弗獲因募堅珉以誌神靈異之實爲不朽之傳云皇宋淳熙十四年丁未冬十二月八日儀鳳橋石柱題名 石存據拓本載文

紹熙四年九月初六日朝請郎知湖州軍州事趙充夫建

皇伯太師安德軍節度使判大宗正事嗣秀王

口兄明州觀察使提舉佑神觀充秀安僖王園令兼本位檢口丁長

湖州府志 卷四十九 金石畧四 六

幹緣道民湯彥宗湯道春朱道誠李道妙周智成沈道彥都料嚴口

渥

城居張九亭諭天瑞同妻李氏居淨助緣直石柱壹回茲勝利叩報

四恩三有謹誌

右趙充夫嗣秀王題名在儀鳳橋石柱從未著錄樓鑰撰趙伯圭

行狀伯圭字禹錫本貫玉牒所在湖州有私第卒葬烏程酒熙三

年以朝奉大夫授安德軍節度使紹熙元年三月加太保嗣秀王

二年六月判大宗正事三年六月拜太師子十人次子師撥檢校

少保奉國軍節度使提舉佑神觀兼秀安僖王園令伯圭父子歷

官與此合趙充夫政蹟見袁燮所撰墓志

曹王廟記 石佚

冥興志在廟中年月缺

靈濟王廟記 石佚

冥興志在廟中年月缺 又云初在白鶴山顏其廟有碑不存述中靖國始創今廟在子城西北焦緒撰碑

青山常照院敕牒碑 石存據拓本載文

尙書省牒

湖州烏程縣青山常照院 牒奉 勅可賜常照禪院爲額牒至準

勅故牒

嘉泰四年七月 日牒 參知政事張栻 參知政事費押 右丞

相押

兩浙金石志右牒正書七行在烏程縣青山常照寺宋建炎中僧梵隆建號無住蘭若紹興壬戌高宗召至內殿恩遇殊渥舊志誤

湖州府志

卷四十九

金石畧四

七

以作乾道三年賜額當以此刻正之

常照院記 陸游撰 石佚據渭南集載文

昔在高宗受命中興全功至德聖神文武昭仁憲孝皇帝龍興河朔克濟大業祀宋配天三十有六年涵養生齒其數無量遺弓故劍羣臣皆當追慕泣思所以報在天之靈至千萬世無怠無教而況山林外臣以道藝供奉仗內嘗被異禮厚賜者乎鎮江府延慶寺僧梵隆以異材贈學高操絕藝自結上知不由先容得對內殿先是隆師固已結廬於湖州青山號無住精舍一時名士如葉左丞夢得葛待制勝仲汪內翰藻陳參政與義皆爲賦詩勒銘傳於天下矣至是詔賜庵居於萬松嶺金地山江濤湖光映帶凡席壽簾老木岑蔚天矯隆師方力辭願歸故巢既至悅其地且俚上賜幡然願畱久之示化上

爲悵然不憚賜金歸葬故山及孝宗皇帝嗣位又命創常照院於無

住故址以隆師弟子上首至叶嗣其事賜田以贍其徒又命充丁亥

丁未本命道場以祈兩殿之福高宗皇帝御德壽宮賜御書寂而常

照照而常寂八字以示名院本指且賜天申金剛無量壽閣扁榜及

系檀刻佛號如來閻勝悉御書也又一再賜萬機暇日所臨晉王義

之帖二十二紙唐陸東之蘭亭詩一卷及米芾史畧帖一卷題團扇

二柄又賜白金助建立於是院悉崇成有釋迦文殊普賢十二阿羅

漢殿左則觀音大士道場右則法輪藏室食息有堂鐘經有樓熏浴

炊爨儲積各有其所捷椎鼓鐘器亦備足至於游息臨眺種藝疏鑿

莫不極思致區處之妙而西巖尤爲勝絕曠快之地叶師以老疾請

罷院事屏居西巖今皇帝詔從之且命改院爲禪院專以仰薦高宗

湖州府志

卷四十九

金石畧四

八

神游口世擇其徒有道行者嗣住持事而本澄首被是選實嘉泰四年甲子歲之四月也叶師乃來告曰願有述焉某紹興朝士歷事四朝三備史官名列策府諸儒之右則與隆師及其子孫雖道俗迹異而被遇則同今叶澄父子晨香夜燈梵唄禪定雖世外枯槁亦有以申其圖報萬一之意某則不然飽食而安居日復一日飾巾特終而已視叶澄豈不有愧哉故遂秉筆而不敢辭上以紀三朝眷遇山林學道者之盛德下以識其婉云開禧三年二月壬子謹記

羅漢院修佛殿記 石佚

續圖經院在縣東四十五里上坡景德三年繁昌知縣邢良撰

志

常照寺斷碑 石佚

〔舊記〕青山之常照寺碑刻甚多僧梵隆至叶師徒並受知高孝二宗嘗有御書白金之賜及修建賜田并諸冠蓋游覽吟咏皆刻之石近皆斷仆荒草殘蝕不全唯高宗所書天中金剛無量等字碑并勅書一碑完存而塵土蒙翳於圯屋中不敢視旁一小碑可看上有詩云道人唯恐不山深莫問人間昔與今元坐蒲團了無事夜深只聽古松吟其後云右少保相公兄游青山作弟師品師彌姪希閔弟燈從行師品書行書方二寸許清潤不俗下又一小碑亦行書而小半之前後皆塵穢昏蝕不能刷看唯中間方外之士相與周旋焉若謝安石之有許邁王逸少之有支遁陶淵明之有慧遠謝康樂之有慧琳雖其所以取之者云云僅可見又西北小碑在天申御書之石上細字數行云太上皇帝聖旨御書佛語一

湖州府志

卷四十九

金石畧四

九

仲令賜叶山主八月初十日恭承太上皇帝銀一百兩賜叶山主守等回奏進呈認其建寺記一通乃宋何澹撰又御書昭回閣一通倪思撰二文俱可觀得之則見其碑竟無尋處

接待懺院公據碑石存據拓本載文

○烏程○澤鄉南林○僧宗偉狀竊見南林一境係平江嘉興諸州商旅所聚水陸衝要之地乃衲子雲游去○諸植越募緣創立屋宇數十○建置佛像今粗圓備專一行道爲國焚修延○今欲照本州東門接待院及迎○門外半塘接待院等處體例乞出給公據并版榜印記付本院收○接待雲游去乞送案照例出給○據印記版榜○掛施行庶得僧行安業薰修永報恩德奉○郡提舉台例行須至給據者

右今出給公據付烏程縣震澤鄉南林接待懺院仰收執照證嘉定十一年四月日給

儒林郎觀察支使李承事郎簽書節度判官廳公事趙朝請郎通判軍州兼管內勸農事單朝請郎權知軍州兼管內勸農事趙嘉定十三年歲次庚辰九月十日口口持信

宗偉立石本院口弟口妙通妙達烏鎮吳洪刻

兩浙金石志接待院大約如今時叢林之例故不一其處據宗偉狀當時必有器喧之擾故請照例出給庶得僧行安業薰修也孫履元跋接待院不知其所自按癸辛雜識續集杭之北門接待寺寺額乃吳傳朋書勅賜妙行之院府志烏鎮天台廣福院宋慶歷二年建致和中改爲接待院元至正中改今額又接待寺在府

湖州府志

卷四十九

金石畧四

十

城東迎春門外每歲郡守迎春率僚屬宴集接待院大率爲接待雲游衲子之所既得賜額然後以所賜額名其寺此碑所謂接待懺院即報國寺是也報國寺爲宋僧宗偉開山宗偉於開禧間來南林始結草庵居焉繼得眉山楊公之助創立屋宇建置佛像已粗圓備然斯時猶未得報國寺額故第稱爲接待懺院也東門半塘兩接待院公據已無可考賴此碑端然獨存猶可見當時公據體式碑後題銜儒林郎觀察支使李與承事郎簽書節度判官廳公事趙其名字皆莫考簽書節度判官廳公事者雲龍漫鈔云諸道判官資歷未至第曰簽書某軍節度判官廳公事是也朝請郎通判軍州兼管內勸農事單者府志州縣表有德清縣單端士慶元七年任與此相距十七年疑端士始知德清縣後復通判湖州

如朱希顏亦於寧宗時知歸安縣尋又通判湖州也朝請郎權知
軍州兼管內勸農事趙者郡守表有趙善湘字清臣漢安懿王五
世孫嘉定十年十月以朝請郎到任當即其人至十一年四月丁
憂去代之者為陳汝於五月到任公據給於四月故猶題趙善湘
銜

南潯鎮志嘉定十一年給據十三年立石正書在南潯報國寺山
門西側高二尺六寸四分廣一尺文十行

顏蘇二公祠記 袁燮撰 石佚據繫齋集載文

自古人才有卓然闢繫世道者其惟節義之士乎蓋水必有防防決
則水不可制屋必有棟棟折則屋無以立惟人亦然必有節義之士
確乎不可奪者為之標準則人心興起而公道著明不然者反是其

湖州府志

卷四十九

金石畧四

十一

所關繫豈不甚大哉嗚呼若唐之顏魯公本朝之蘇長公履險蹈難
終其身未嘗少屈真節義之士乎安祿山之變顏公忠憤奮發首倡
大義興起一時士大夫之心卒能摧折姦兇再安唐室李希烈之使
心知其危冒死而不顧其剛毅特立有如此者蘇公力爭新法遂以
忠鯁顯名羣邪妬疾投諸散地元祐間與諸賢並進志稍伸矣猶不
得久安於朝紹聖元符之際遠謫窮荒而氣不懾其砥節勵行無愧
於顏公故至今論人物者皆推尊之初吳興廟祀顏公而祀蘇公廟
之廡郡守陳侯汝始立寶積院之祠以奉顏公楊侯長孺始立黃龍
洞之祠以奉蘇公二公皆此邦良牧人心所不能忘也然黃龍洞之
祠雖楊侯創之實陳侯續之及今太守趙侯希蒼之至顧瞻此祠據
爽塏之地思前人建立之艱圖所以永久勿壞者益究心焉輸奐之

美功力之堅有加於往日則合顏蘇二公共為一祠前臨震澤波瀾
浩渺廣吞三郡旁揖下山形勢嶮峻雄鎮一方登堂一望則蒼翠之
色淙淙之輝上下交映使心形俱泰以二公之賢而血食於茲真不
忝矣發乎議論同一肺腸行乎正途同一軌轍此侯所以合而祀之
也嗚呼周公管蔡不相為謀禹稷顏子可以同道是心一差雖並時
而生未免乖戾是心無間雖或先或後自然契合顏蘇之節義其時
異而心同者歟表先賢之景行為今日之丕式使若嘗之入則而象
之洗濯其背公營私之習振發其守節徇義之心則雖後顏蘇而生
其堅正不同之操必有能繼之者矣傳曰有為者亦若是尙論古人
謂之善友此侯所望於郡人者貽書屬余為識其事是舉也實開風
教不敢以淺陋辭遂敬書之

湖州府志

卷四十九

金石畧四

十二

姜虬綠云坡祠未有緣起不知所在據袁燮碑記始知郡守楊長
孺立祠專祀蘇公萬歷中張磨卿於黃龍洞觀內草莽中得礎石
模糊剝落似有款識洗剔額篆有東坡蘇公祠堂碑記八字當即
長孺所立也至嘉定間太守趙希蒼又合顏蘇二公共為一祠磨
卿尙不及知此當補入金井志

端石某梓刻字 未見

有宋紹定辛卯六月既望刻石

雲溪隱口氏小蓬萊某局

明嘉靖癸亥紀泉石改制

紀官重得石梓記稼庵董子之庭有石承簷溜久矣傍忽露文曰
紀泉石董子偶詣余語及余驚喜曰此余五世祖也余祖泉石公

生成以後海內晏安士大夫敦尚恬退或講學名山或園亭棊酒而我公得交一時之望至今出所藏筆墨想見古人董子曰必先世所假也異哉當歸子矣既以事未果辛未春余晚自荅來此石已置齋中燭而視其文石背爲宋紹定四年而改製爲嘉靖癸亥也名曰小蓬萊碁局石質細潤刻畫亦工追憶我公訓子餘聞構樓三楹蓄琴書北窺洞庭西見溪塘帆葉庭下富卉木奇石諸名士觴詠自適鏗然落子處也余童子時尙覩遺址未幾而治桑不可復問當時同游諸公雲舒霞散而片石巋然獨存感而爲之記

報國寺告示碑 石缺據舊拓本載文

行在尙書禮部

湖州府志

卷四十九

金石畧四

三

據兩浙轉運司申契勘本司近據安吉州烏程縣烏鎮普靜寺管事人陳椿狀本寺昨因徒眾避免常住執□□□□□□庵本寺無僧焚修香火□經使司陳請得蒙給版榜坐簿付寺□定知庫次第□應因僧懷信住南林私庵不□□□□□本司□□僧人事頻數素擾□府牒□□官詳狀本司備牒安吉州主管官詳狀具狀供申未到問□□尙書□□□□□安吉州烏程縣南林報國寺知事僧□暉狀訴烏鎮普靜寺僧懷靜覺等爲見本□僧妙達等□披剃寄帳其寺□□司平□□德暉本寺老疾□妙達係指定輪當知庫買倩頑徒陳椿經運司妄作私庵□許□判□下奔□□□囑□□牒本縣□□□奉□判證□陳符本州主管司如果隔越虛詞即與從公究治施行□□□□□運司證□□□□本部除已卽

次□□□□承直點計出家子□□四方大畧如行雲杯水□何定籍□可拘今報國寺僧□□□□□□雲游之比然向之庵舍□□請

勅額爲報國寺矣寺必□□□亦輪坯充知□□豈能又充普靜之役兼兩寺相去隔遠肆拾餘□普靜□□□少何苦必欲妙達一人歸□□□□□寺僧淨□□□糾舉其它庵舍已爲□□之資妙達之徒適有□□□□者出而拒之不肖少從其所□□□□□已文郁老□自合歸休林下□□淨覺□□□謂□□□□□係□□□乞嚴判令普靜每歲□□寺□中輪差知庫不得生事紊擾官府違追管事人斷□□□□□□□□□□知郡寶章書判甲乙寺院□□□□□僧坯承管幹

湖州府志

卷四十九

金石畧四

古

俱爲把持計妙達雖係籍於普靜□□已隸於□國普靜□有簿□□亦各得其志可也文郁年老不知死恃充住持妄有詞訴直經省部必欲強妙達乞爲知庫送□□漕臺□□□□州追究其實不在糾之使□□實在於騙乞之不從也況報國非私庵縱是庵舍亦合聽其自便□□擅行不□伍□□正不必拘泥於此若文郁猶有後詞則是此寺不可主持卻與□作十方本州自□主盟一方香火□□振起妙達以□□不出官德暉以報國知事而來初亦无可究實者兩名並放併案官牒□申 漕臺取指揮州司□□將僧德暉□□□疎放外申乞照會本司判送簽廳據本司簽廳欲備申部取指揮所□具申省部取目指揮施行申部乞指揮施行尋呈奉 判呈除已具呈再奉

台判符從行須至符下安吉州□外須至指揮

右告示僧德暉等詳此知委

紹定六年十一月 日

端平元年九月 日監寺僧德暉 住持僧宗偉立石

甯海鎮志紹定六年給示端平元年立石正書在報國寺山門東側高三尺二寸廣一尺七寸文二十四行

沈登瀛甯海備志南宋雖都杭州止稱臨安尚書省亦稱行在示不忘中原之意不稱省者省文也

孫履元跋甯海轉運司據咸淳臨安志云太平興國三年錢氏納土始置轉運使熙寧七年分浙東西爲兩浙路轉運使於杭州置司舊治在雙門之北爲南北兩衙今徙於湧金門南爲轉運司其

湖州府志

卷四十九

金石畧四

五

轉運司簽廳在本司內卽此碑所云本司判送簽廳本司簽廳欲備申部取指揮者也

報國寺碑 石缺據舊拓本載文

安吉州烏程縣南林報國寺記

奉議郎口書省著作佐郎兼四川制置副使司參議官李心傳撰

朝散大夫起居郎兼侍講李性傳書 朝奉郎試中書舍人兼權吏

部侍郎兼同修國史實錄院同修撰洪咨夔題蓋

自佛法八中國而海內山水名勝率爲浮屠氏有之逮隋唐而尤盛

今六百季矣湖俗好佛故阿蘭若之在浙者滋益多矣爲史官時有

介僧宗偉來見者曰吾永嘉人開禧間尋師學道至湖烏程之南林

變其鼠土結山庵居焉時未祝髮也南林一聚落耳而耕桑之富甲

於浙有土潤而物豐民信而俗阜行商坐賈之所萃而官未嘗誕征焉此宜爲帝釋梵王之宮而未多有也吾嘗血指書報身佛所說經

一七卷口不絕誦鄉人胥信乃相與築祈年之地今敷文閣學士肩

山楊公時領祠部益捐金錢以爲吾助由是佛法僧之所寓經鐘財

之所舍與其他所目爲叢林之制者次第而舉又度吾之徒積十有

六人俾傳香火之奉願獨未有以名之也趨請於禮部得報國額

而扁焉因求余文以措諸壁而余爲儒者也口計不當放浮屠氏之

言久未之許已而余肉歸得請治艦於湖偉求不已余撫其書而歎

曰國家立郡縣之學以明人倫此儒者所當務也而庠序之設返弗

若僧廬之盛何哉爲浮屠氏者心志專勤願力堅固故以誅茅刈卉

衣荷食檜之餘而金碧翬飛土木勝麗成於平歲之頃通都大邑或

湖州府志

卷四十九

金石畧四

六

以百數而未已也若郡縣之學一耳而爲政者往往昧爲弃物曾不
皆省惟園亭館宇之爲尙甚弗獲已始捐其豪末以爲支傾補壞之
計其弗若一也浮屠氏之徒其用財也一髮不欺以爲欺則有報也
故人亦信之而予之也易甚或空囊鉢之儲而無所靳今之教者莫
大於天子之學矣而養弟子之貲或乃移之以供校官之雜費至於
郡縣之間則周親故資游謁入私用者無不有矣其弗若二也墨黉
之術非可用以理天下國家者也然其徒之教人乃顯以識心見性
爲事而學校之所謂課試者特不過爲聲病剽竊之文以償利祿溫
飽之願而已蓋皆浮屠氏之唾棄而不顧者故口爲士者亦恥居之
其弗若三也今偉之營是剏也一錢之施弗收私有鉢積寸系迄於
成就世俗之士當知所愧而又奚議哉昔園口師爲崔趙公言出家

是大丈夫事非將相之所能爲李文公問藥山戒定慧之說藥山云欲保任此事須高高山頂立深深海底行閨閣中物捨不得便爲滲漏今之士大夫考其所爲滲漏多矣故名雖將相而不能爲大丈夫此浮屠氏所以下視而高勝之也余歸伏田里方將營葺鄉校與門人朋友講習其間以淑一鄉之士蓋嘗感於欽儼之言而猶思其弗逮也故因倖之請悉書余所感者遺之俾歸刻之傳示四方庶有倣也端平元年秋八月吉日記

口宋嘉熙元年歲次丁酉三月清明日開山住持僧宗倬立石

勤舊德政 德暉 守中 頭首 廣宣 廣聞 知事 淨明

淨月 浮玉王震摹刊

甬潯鎮志端平元年撰記嘉熙元年立石正書在報國寺山門東

湖州府志

卷四十九

金石畧四

七

側高連額四尺一寸廣二尺一寸文二十三行 按碑題三月清

明日考是時用鮑澣之開禧術附楊忠輔統天術以行今以二術

推是年三月並壬子朔三日甲寅清明

兩浙金石志甬潯古名南林惟見此碑舊志云端平中學士陳益

建此云眉山楊公捐金錢以爲助當從碑爲正李心傳字微之號

秀巖并研人弟道傳號東窗性傳號鳳山洪咨夔字舜俞於潛人

嘉泰進士知龍州除祕書郎遷金部紹定六年爲禮部郎官除監

察御史進吏部侍郎同修國史又兼給事中監侍讀以病旬閑拜

端明殿學士領內祠卒諡忠文

孫履元跋碑已中斷董若雨先生報國寺秋霽詩云孤村危閣立

漏日斷碑明則碑在當時已斷矣阮文達公撫吾浙時撰兩浙金

石志時范白舫先生適拓碑報國寺而錢竹汀少詹舟過甬潯因以拓本付竹汀竹汀攜寄文達於是報國寺記華七府幹布施記接待院公據及長生講院碑四種遂著於錄然仍有謁闕碑陰亦失載即此碑二十三行阮以爲二十二行蓋末行失拓也碑記宗偉於開禧間至南林愛其風土始結草庵居之又云眉山楊公益捐金錢以爲吾助所以爲叢林之制者次第而舉迺請於禮部得報國舊額而扁焉按嘉定十一年接待院公據已稱創立屋宇數十口建置佛像是嘉定創院之時端緒楊公之助惜其人無考接待院之改爲報國寺始見於紹定六年禮部告示碑其得報國寺額當在嘉定十一年以後補志既誤楊公爲陳益又以寺爲端平中建蓋未嘗細讀碑文也

湖州府志

卷四十九

金石畧四

太

甬潯跋碑云敷文閣學士眉山楊公時領祠部益捐金錢以爲吾

助此追述宗倬創設叢林時語也考宋史端平前無眉山楊氏爲

學士者惟楊簡傳嘉定元年兼禮部郎官寶慶元年授敷文閣直

學士其前後歷官與此碑合但係蘇谿人碑云眉山豈其舊望歟

報國寺碑陰 刻極越施田地各街不錄

甬潯鎮志嘉熙元年正書分二層上層三十一行下層七行

孫履元跋右碑陰所稱長生庫本始於寺院司其事者謂之庫子

亦曰主庫逐年轉利以供所需故有庫子逐月將簿書詣方丈知

事簽押者見於臨海縣寶藏殿長明燈碑益長生庫盛行於斯時

也陸游老學庵筆記云今僧寺輒作庫質錢取利謂之長生庫至

爲鄙惡予接梁頭彬嘗以束苧就長沙寺庫質錢後復贖苧還於

芋中得金五兩送還之則此事亦已久矣庸僧所為古今一揆可設法嚴絕之也

報國寺布施記碑并碑陰 石存不錄

兩浙金石志碑記當時建寺因緣及施財瑣細之事皆府幹李文

勝所施 南潯鎮志按額題華七府幹則李氏非姓也阮氏謫

南潯鎮志嘉熙元年二月正書在報國寺山門西側高連額三尺

七寸五分廣二尺零五分分兩層上層文二十二行下層無字額

題檀越華七府幹布施之記五行行二字徑二寸左右 碑陰分

兩層上層三十二行下層二十八行額題檀越施財置田各街八

字平列字徑一寸三四分

孫履元跋右碑文二十二行兩浙金石志以為十九行蓋後三行

湖州府志

卷四十九

金石畧四

九

失拓也所載文亦有譌闕錯亂處華氏傳芳錄文勝字彬野以人

才舉為江州參軍以疾致仕華氏在當時為南林望族今華家橋

本名通利橋華家街即其居宅報國寺創始於嘉定中僧宗偉得

亦文勝創建眉山楊公之助而大佛殿遂得落成其鐘樓佛閣及諸佛殿則皆

彬野續建今數其施財至四千餘貫之多可謂大有功於茲寺者

矣查舊碑首諸名目始見鄞縣宋嘉定戊寅資福寺銅鐘銘此碑

者舊作勲舊按徽宗政和三年六月御筆天下道士不得稱宮主

觀主並改作知宮觀事女冠准此僧尼不得稱寺主院主庵主供

養主之類並改院主作管幹院事副作同供養主作知事庵主作

住持餘皆依此改定則所謂勲舊碑首者疑即他碑所稱主殿主

藏主庫之類亦必因政和禁令始創此名目也

又跋石碑陰下半截埋土中咸豐丁巳南潯方修鎮志徧拓鎮碑而元任監拓因募工掘去地面整磚缺土深幾二尺乃得施推拓文頗完善惟下截缺數字耳上截所記各檀越施財置田約計八十餘畝當嘉熙時浙右未遭派買公田之禍依然稼穡雜實故檀越以施田為重寺僧亦不以施田為輕嚴修齋供良有以也談鑰吳興志烏程縣烏墩稅務所屬十五坊有前處於塔等名後盧當附近前盧今皆莫知其處矣

烏青鎮酒正題名記 未見據烏青鎮志載文

雲起膚寸能雨天下不書其微孰考其著此烏青酒正題名所由作也陽羨莊君挺名家秀大所居官不以釋貴而酷不平不以物貴而居不葺廬為和氣播為能聲大司徒侍讀史公計使煥章曾公聞而

湖州府志

卷四十九

金石畧四

手

薦於朝與余有吟編舊往日過余曰惟此權酷之職自建炎間創于

殿司歸于版曹隸于計臺置官以來題名未立咸無考焉今將掘石

于廳之左裏前政之名列于上冀後政之題繼于下他時吏見之曰

是不曠官也民見之曰是不病民也名斯存道斯存也今及瓜西山

爽氣生即指歸請為我書之余曰諾是可書矣嘉熙己亥中元日東

舉叟沈平記

烏青鎮志明正德三年慈雲寺築墻掘出酒務題名碑刻

蘇軾游法華山詩 石佚

孤城文獻嘉靖八年土中掘出一碑乃東坡贈賈耘老與胡祠部

游法華山詩也末云宋清祐癸卯上元日住持僧師柏立石寺中

法華寺記畧蘇軾游法華山碑刻已損尚存數十字在齋堂後壁

間

慈感教院珠羅漢記 石佚

竊立方韻語陽秋院有珠羅漢湖州邵宗益剖大蚌得之建閣藏焉劉肅有記刻石寺中 案又見吳興志

案吳興志慈感教院初在迎禧門外元豐間待制章衡爲記建炎三年徙置今處劉肅記當在南宋時刻

慈感教院舍利寶塔 石存據拓本載文

上缺 傳天台宗教比丘 覺澄 所得十方□□□□渡西岸建造青

石舍利寶塔二所奉供十方三世諸佛菩薩聖賢功德祝延

皇帝萬歲重臣千秋風祥雨順 國泰民安災障不生常修白業次

冀 諸天八部正直聰明晝夜守護毋令侵毀更願諸天含嗜欲之

湖州府志 卷四十九 金石畧四

三

心地獄離煎熬之苦往來觀瞻稽首合爪盡悟法華三昧速證阿惟越致虛空有盡此塔常存情與無情全躋法域

淳祐九年正月吉日慈感教院住持傳天台宗教比丘 覺澄 誌願

丁大卿宅制幹安人郭氏 係其 隨喜贊成 外護檀越承議郎前知

安吉州新除司農寺丞徐夢衍勸緣 外護大檀越中奉大夫直寶

章閣提舉隆興府玉龍萬壽宮程公許勸□ 外護大檀越中奉大

夫寶章閣待制提舉□興府玉龍萬壽宮 下缺

右舍利塔二座在潮音橋西岸時尚未起橋初名潮音渡元唐子

華詩所謂送客潮音渡是也今置舍利塔處當日爲慈感寺西渡

一塔四面兩面佛像一面書阿彌陀佛大字一面小字十三行行

二十一字後列勸緣知州徐夢衍及程公許各案郡守表徐夢衍

以奉請即到任碑作承議郎當從石刻程公許蜀人嘗住西門龍溪有罷官來就湖州住爲愛雙流貫一城之句游卞山黃龍洞題名刻石 又一塔兩面佛像兩面皆大字書大方廣佛華嚴經又

阿彌陀佛字無經文

嘉應廟勸牒碑 石存據拓本載文

勸賜嘉應之廟

尙書省牒 七巷社首□□ 禮部狀準咸淳六年正月二十七日

勸節文中書門下省尙送禮部中兩浙運司奏本司據安吉州中據

承節郎監安吉州南潯鎮事陳榮狀申據 御前提舉所使臣張良

嗣并七巷父老華元實等列狀世居烏程縣震澤鄉之南林故老相

傳此地有崔承事李承事二公居焉其存心也根於仁其處事也勇

湖州府志 卷四十九 金石畧四

三

於義宣和間方寇擾攘聲搖鄉郡二公率鄉丁捍禦果獲全安或值凶年飢歲爭出廩粟以賑給人皆德之暨二公卒莫不銜恩思慕自

以爲報之固極乃卜地於市中設祠宇而並祭之衣冠服飾效鄉黨

護境二神貌像七社人煙歲時節朔以饗以祀雨暘必祈疾疫必禱

所求輒應顯異莫能具述嘉定乙亥飛蝗蔽天鄉民羅拜於廟或泣

或訴越翌日忽疾風起於庭下蝗之避去者幾半餘悉自斃是歲乃

亦有秋或竭力奉事廟貌一新酬答神貺嘉熙庚子旱荒飢萃枕藉

於兩廡頗覺穢褻香火僧厭而禱之是夜神告之曰窮民無歸居我

廟宇以避風雨我若譴怒彼將疇依於此尤見其根心之仁愈無窮

已也淳祐壬寅待制趙仇夫道經南潯偶值雷雨暴作湍流奔湧舟

不能前趙公驚怖左右謂此地有神曰崔李二王祈之無不驗遂默

禱之俄頃帖然舟獲到岸而謁於祠下致謝畢見其廟未有額慨然
書之今猶存也實祐甲寅狄清鹽寇嘯聚村落多被其害且垂涎南
潯以爲市井繁阜商賈輻湊之所意在剽掠妄求懽禱所抽十餘籤
所擲十餘琰皆不協吉羣盜相顧愕然輒逞兇暴欲舉二像昇之於
水似覺拘攣而掣其肘乃畏懼潛遁景定辛酉水災比近頑徒有鼓
眾借糧者市戶焚香禱告忽一日羣兇駕舟圍繞未幾隨散或問之
曰候來而候去何也賊應之曰昨夜南潯之南有二人若神人身長
丈餘立於人間屋上諭我等踰月方許汝來此也今且退去一月後
復來聞者嘉懼相半不十日即就擒戮此二項益見神之顯異垂庇
每倦倦於艱難危急之時殆二天也人之還以答神休豈不能伸一
喙耶恭惟 國朝愛民如子凡神之有惠於民者必載於祀典蓋敬

湖州府志

卷四十九

金石畧四

五

神所以愛民口如德清之新市亦隸本州管下其鎮土神嘗有恩封
廟額獨南潯未嘗舉行允爲缺典未創鎮以前特鄉村爾無階可陳
今創鎮幾二十載前後鎮官歲時祈禱屢驗僧徒晨夕焚修愈勤此
廟正係祝 聖祈禱去處茲遇 聖天子初登大寶增崇祀典恩需
方新良嗣等謹述家傳人誦之實跡列狀乞備申施行本鎮保明詣
貴申州乞施行州司所據承節郎監安吉州南潯鎮事陳口中到土
神靈跡因依本州保明是實申本司乞施行本司已照例差官詢究
覈實委有靈跡保明是實伏候 勅旨本部照 條勘當具申 朝
廷準批送下寺擬封申除已連送太常寺擬封去後據本寺回申安
吉州南潯鎮土神崔李二承事擬封二字廟額今欲擬嘉應廟爲額
合行降 勅申乞施行本部備中 朝廷伏候 旨揮口口二十五

日奉 聖旨依奉 勅如右牒到奉行前批三月空日空時付禮部
施行仍開合屬去處本部聞具前銜後擬下項伏乞 朝廷給降
勅牒施行伏候 旨揮 牒奉 勅宜賜嘉應廟爲額牒至準 勅
故牒

咸淳六年十二月 日牒

同簽書樞密院事兼權參知政事趙 右丞相太傅平章軍國重事
魏國公 免押 南潯徐口口

南潯鎮志咸淳六年正書在南棚嘉應廟山門內西壁高達額四
尺八寸八分廣二尺二寸二分文十四行額題勅賜嘉應之廟二
行行三字字徑一寸八九分

孫應元跋碑云或值凶年飢歲爭出廩粟以賑給人皆德之考府

湖州府志

卷四十九

金石畧四

五

志建炎四年及紹興四年雷雨害稼蘇湖二州尤甚二承事之賑
恤鄉里當卽其時碑中兩勅字結體險勁殆卽老學庵筆記所謂
蔡家勅歟

弱隘跋右牒稱監安吉州南潯鎮事陳榮其人無考趙昇朝野類
要親民理治百姓監鎮知寨亦然監鎮亦得親民史所畧也牒尾
列銜者三人曰同簽書樞密院事兼權參知政事趙者趙鼎孫也
曰右丞相曰太傅平章軍國重事魏國公皆不著姓蓋馬廷鸞賈
似道也咸淳遺事景定五年冬賈似道爲山陵使累辭相印勾祠
故事也咸淳遺事景定五年冬賈似道爲山陵使累辭相印勾祠
降內批曰可依前太師鎮東節度使魏國公醴泉觀使兼侍讀仍
奉朝請似道又奉表辭太師上復不允似道奉詔再辭乃從之入

朝再拜右丞相降內批曰可依前太師右丞相兼樞密使魏國公

咸清三年特授太師平章軍國重事按宰輔表似道於景定二年

月除太師三年正月仍稱太師二月復除太師自太保加太師咸清元年四

平章軍國重事可證三年以前亦未嘗受太師似道上表力辭太

師遂改太師供職與此牒著銜合循雲縣顯應廟咸清九年

位至太師紀傳不載而其辭太師并表亦不詳不可謂非史之疎

漏也趙順孫字和仲浙東縉雲人宋史無傳事蹟詳黃文獻集格

庵先生肝表及明縉雲鄭紹刻格庵奏葉宋丞相趙順孫傳論格

庵卒於德祐二年四月未嘗入元而倪燦補藝文志誤實元人之

列錢辛相少詹四書纂疏跋已力辨其誣矣余所見宋三省勅牒

宰臣皆署押此刻實相列銜下特著免押以非軍國重事故也

絳閣二帖佚

湖州府志

卷四十九

金石畧四

重

法帖譜系舊傳烏鎮張氏以絳閣二帖鏤本家塾或遇良工模拓
亦有可觀後板歸新市人家每連紙一幅可打一段予在三山見
一本於周氏後數卷板內時有直裂紋比到雪上獲一本於向氏
叔堅之裔偶缺兩卷且以元祐間所拓戲魚帖足之此刻字畫差
肥而極有筆意頗勝諸帖惜其間錯誤數字為可恨耳趙幸叔愚
云丙戌歲在宗庠有法帖板質於齋舍族人者偶不記為何人疑
是此板亦未可知

綱錄野客叢書載烏戌張仲思家多前人墨蹟有黃魯直親染題
李伯時畫士花驄詩殆即有絳閣二帖之家與又云烏鎮本乃板
本非石也長沙折府所藏二十卷標刻頗精疑是此本第九卷復
面帖字誤而驚羣帖止是漸損字畫尙完此稍異於新絳

乞承帖佚

勞志朱晦翁有乞承帖云欲觀造化之理今藏湖之道場山

瑤阜帖佚

癸辛雜識趙蘭坡都承旨之別業去城既近景物頗幽後有石洞

常萃其家法書刊石為瑤阜帖

米元章帖石存據法華寺刻本載文

水石潺湲風竹相吞爐煙方曼草木自欣 中岳外史米元章

長生講院碑石存據拓本載文上層刻建置檀越名街不錄

延祐二年八月吉日立石 此上層末行

湖州府志

卷四十九

金石畧四

美

之勝尋值兵燹靡有子遺佳持靜覺禪師戒律專確有聞於時嘗悼
象教之陵遲懼縉流之失所爰募善緣不復舊觀用將名勤石道側
噫見于羽者想舜德觀河洛者思禹功微師之精勤不足以動人之
樂施徵人之樂施又奚足以成師之巨費者哉斯亦可尚也已師歿
後數稔其徒普仁謂余與師有支許之好因乞一言以傳永久余故
為識其後使後之嗣師者慎無替師之志云 郡人宇文公諒題跋

兩浙金石志題名有提幹制幹郎幹師幹府幹節幹供檢判司監
兩浙金石志題名有提幹制幹郎幹師幹府幹節幹供檢判司監
六字平列字徑二寸六分至三寸
四寸廣一尺九寸分二層上層分三列上列二十行中列二十二
行下列十七行末有年月一行下層十五行額題建置檀越名街
六字平列字徑二寸六分至三寸

局提轄官義將仕承事朝奉皆有職或募緣之屬居士山主當爲
邑子太君之稱始見此惟馮宣二道周千二道爲不可解

孫履元跋碑已中斷寺僧云道光已酉大水浸及殿內數尺壁倒
碑斷橫臥水中者數月水退築壁乃扶起而復樹之子審碑石上
截色白下截色黝竊疑上截本是碑之正面而下截乃是碑陰阮

文達公兩浙金石志亦曰碑凡三列陰刻字文公諒題跋豈水退
復樹時寺僧不暇細審遂上下互易其前後數上被題各有提幹
制幹節幹府幹當是提刑制置節度總管府之孫屬唯師幹未詳
果山主照山主乃振太師俱爲釋子之稱文達以爲邑子非也

趙孟頫臨顏真卿書常清靜經石存文不錄

南澤鎮志無年月正書石藏東樞溫文銓家長一尺四寸高六寸

湖州府志

卷四十九

金石畧四

五

二分文不錄

孫履元跋前刻太上老君畫像上端元宗皇帝御贊八十四言旁
有趙字小圓印下端題子昂款有大雅小長印後刻太上老君說
常清靜經三十二行行二十字末題顏真卿書又題集賢直學士
朝列大夫吳興趙孟頫臨鈐以趙氏子昂方印此書筆法頗類顏
書小字麻姑仙壇記開洞庭山亦有松雪所書常清靜經碑乃是
大字不若此小楷之爲罕物也其後別有當湖德藏方丈藏石八
字八分書

趙孟頫臨顏真卿書金丹四百字

即常清靜經碑陰文不錄

孫履元跋前有紫陽真人畫像上端爲許堅紫陽真人張平叔贊
七行六十八言旁有松雲齋長印下端有趙氏子昂方印後刻金

丹四百字凡二十七行此亦松雪所臨顏書而但有真卿款不題
已款者以款已見於常清靜經後也後有明武功伯徐有貞題跋
四行行書鈐以武功及天全翁印此當爲武功歸吳家居後所跋
跋中稱松雪此書爲書法之金丹詢不誣也

褚天祐祠碑石存據拓本載文

褚公祠碑

先考左二教諭褚公諱天祐字善甫號友竹叔祖五二宣教子也世
居吳興之朱塢宋淳祐丙午年甫四歲奉□□□□命立爲先祖五
一宣教後命立之歲叔祖云亡次年丁未曾祖知丞繼以傾逝景定
辛酉洪水汎濫田租無收是□□□憂勞染疾而卒所遺田業派買
公田後所存不多乃與先伯左一宣教均分之時先考方當弱冠家

湖州府志

卷四十九

金石畧四

五

務之重獨力支□□奉曾祖母徐氏先祖宣教先祖沈氏先叔祖
妣楊氏喪事尤謹宋有隅官之役因捕賊不獲被官軍焚毀室廬僅
□□免宋淳祐年曾祖知丞置買張寶山九十六畝起築墳塋聚養
林木安厝曾祖知丞及叔祖五一宣教靈輓於上厥□□族挾閩府
勢訴之有司歸於閩府不久而閩府衰廢賞文約以出售先考獲復
舊業增置四十餘畝不平之氣得以□□丙午之歲盜賊蜂起家貲
罄盡及大軍臨境領眾投拜就管地面繼而差役繁重徧歷艱辛遷
居桃溪又爲盜所劫□□昭然遂卜居府城以圖久遠安佚之計豈
期城居差科尤多不惟應當坊里正之重而又包辦酒課和雇和買
夫役之□雖不能一日安居處之泰然未嘗形於辭色況能勤儉起
家日增田業塋塋厝宇無不葺治且招編流晨夕焚修祭□□物靡